

UDALA. Aparicioren kontrako diziiplina espedienteak eragin dau udaltzainen salaketea

SVP sindikatuko kideek «jazarpen politikoaren biktima» dirala dinoe

Ibon Areso eta Eusebio Melero zinegotziek prebarikazino delitua egin dabela uste dabe

Iñigo Bilbao

Poliziaren Euskal Sindikatuko (SVP) kideek «jazarpen politiko» salatu dabe. Euren ustez, Bilboko udal agintariek ez ditue euren kritikak onartzen, eta sindikatuari isildu eragin gura deusie. Horixe nabarmendu eben, atzo, SVPko ordezkariak.

Eusebio Melero Giza Baliabi-deak saileko zinegotziak Jose Maria Aparicio sindikatuko bozeroalaren kontra ipinitako diziiplina espedienteak eragin dau udaltzain horreen salaketea. Dana dala, atzo eskainitako prentsaurrekoan, udaltzainek Juan Jose Olabarria Herriarren Segurtasun Zerbitzuko arduradunari leporatu eutsien euren kontra hartu diran neurri guztien ardura.

Udal gobernua ezeze, SVPko ordezkariak ganerako sindikatuak be kritikau zituen, azpimarratu ebenez, «politikoen esanetara makurtzen» diralako. Orain urte bi CSIF sindikatua itxi eta talde barria osatu ebenez, udaltzainen artean kide gehien izatea lortu dabela esan eban Enrique Abadek.

Polizia operazioa Zubizurin

Aparicioren kontrako espedienteak igazko zezeilean prentsan agertu zan albiste baten ondorioz zabaldu dala azaldu eban Abadek. Izan be, Zubizuriko lauzak apurtzen zituen gaizkileak atrapatetako martxan ipini zan polizia operazioaren ganean emon eban eritxiagaitik zigortu dabela euren bozeroalea kritikau eben SVPko kideek.



INIGO AZKONA

Udaltzain gehienak SVPko kide dirala esan eben sindikatu horretako bozeroaleek.

Udaltzain horren ustez, operazioa zentzunbakoa zan, lauzak berez apurtzen ziralako. Abadek berba gogorak izan zituan Ibon Areso Urigintza saileko zinegotziaren kontra, atzo, bere ustez bai Aresok bai Melero agian «prebarikazino» delitua egin dabelako, eta horrela bada «gure sindikatuak ez dau etsiko zinegotzi horreek epaileen zigorra jasoten daben arte».

SVPko udaltzainek prentsaurrekoan salatu ebenez, «ezin dogu aditu horren operatibo handia martxan ipintea gaizkile xume bat atrapatetako, Bilbon gero eta lapurreta gehiago gertatzen diranean, esate batera-

ENRIQUE ABAD

SVP sindikatuko kidea

«Aresok eta Melerok prebarikazino delitua egin dabe; holan bada, ez dogu etsiko epaileen zigorra jasoten daben arte»

«Hauxe da Bilbon harrokeriarik handienaz jokatu dauen gobernua, eta berba egiteko aukera gitxien emon dauena»

ko, Guggenheim museoaren inguruetan, egunero turisten autotetan lapurretak izaten dira eta», kritikau eban Abadek.

Horren guztiorren atzean Iñaki Azkuna alkatearen udal gobernua dagoala nabarmendu eben: «Hauxe da Bilbon harrokeriarik handienaz jokatu dauen gobernua, berba egiteko aukera gitxien emon eta Udaltzaingoa hondatu dauena».

Salaketa horreek entzun ostean, hor aitatzen ziran zinegotziakaz berba egiten ahalegindu zan *Bizkaia*, baina udal agintariek gurago izan eben ezer ez esatea, oraingoz, egoera gehiago ez nahastearren.

TELEFONIA MUGIKORRA. Gaur amaituko da etenaldiaren kontrako errekursoari erantzuteko epea

I.B.

Telefonia mugikorreko antenen kontrako 14.000 sinadura baino gehiago aurkeztu zituen Udalaren Erregistro Nagusian, atzo eguerdian, Iralako bizilagunek. Antanak urigunetik kanpo ipintea eskatzen zan sinadurekin batera joian agirian.

Iralako bizilagunak zezeilean hasi ziran sinadurak biltzen, eta geroztik hile bi emon zituen kalean, auzoa zaintzen, goizeko 08:00etatik iluntzeko 20:00ak arte, antena gehiago ipinten ez zirala jagoteko. Izan be, horren

Iralan 14.000 sinadura baino gehiago bildu ditue antanak urigunetik aterateko

auzo txikian 18 antena eta 4 nodo dagozala salatu eben udaltzainen aurrean, «eta kopuru horretan ez doguz sartzen ez Zabalburuko dorreetan dagozanak, ez eta Errekalden ipini dituenak be», nabarmendu eban Marilu Ugaldek.

Uriburuan berrehun antenatik gora dagozala gogoratu eban Ugaldek, eta horreetatik

baimena gitxi batzuek besterik ez daukiela -61 gailuk edo- generatu eban.

Auzokoek arduratuta jarraitzen dabe, eta Udalak maiatzeko udal batzarrean onartutako etenaldia aurrera eramateko sortu behar zan batzordean parte hartu gura dabela berretsien, atzo. «Batzorde horren barririk ez daukagu; osatuko eben, be-

harbada, baina bizilagunok ez dogu horren barri izan, eta jentea beldurtuta dago oraindino», aitortu eban Ugaldek.

Telefonia mugikorreko antenen kontrako plantaformeak batzarra egingo dau gaur iluntzean, Basaurin, hemendik aurrera egin beharrekoak azertu, eta erabagiteko.

Gaur amaitzen da, bestalde, etenaldiaren kontra Udaleko EAJk eta Eak aurkeztutako errekursoari erantzuteko epea. Udalbatzarrek horren kontra neurriak hartzea erabagi eban, aparteko batzar baten.

ABANTO

Euskerea ikasteko laguntasunak emongo ditu Udalak

Erredakzioa

Abantoko Udalak euskerea ikasten daben herritarrei matrikulearen zati bat ordaintzea erabagi dau. Agintariek bat egin dabe orain hiru urte herriko euskal taldeek, Axolak eta Zitzakak, AEKko euskaltegiak eta ikastetxe publikoek udal talde politikoei egin eutsien eskariagaz.

Laguntasuna jasoteko aukera handiak izango ditue herritarrek. Behar barrik dagozanek ezeze, herriko ikastetxean seme-alabak dituenek be jasoko dabe laguntasuna, bai eta ikasten dagozan langabetuek be. Baldintzen arabera, matrikulan ordaindutako 100 pezetatik 60 berreskuratu leikez, esate baterako, behar barrik dagoan guraso batek.

Beka horreek euskerea bultzatzeko plangintzaren barruan euskaltzaleek proposatutako neurrietako batzuk baino ez dira.

GARRAIOA

Metroaren ibilbidearen ganeko proiektu lehiaketeta antolatu dabe

Erredakzioa

Jaurlaritzaren Garraio eta Herri Lanen sailak metroak Santurtzi eta Kabiezes artean izango dauen ibilbidea egiteko proiektuaren inguruko lehiaketa publikoa antolatu dau.

Danetara, 2.051 metro izango ditu metroaren ibilbideak tarte horretan, danak lurrazpian, eta 6.500 milioi pezeta gastau behar izango dira obratan. Beharrak, 2010 urterako amaituko ditue.

Zati hori Santurtziko Gernika parken hasiko da, eta bertan egongo da geltokia. Urteera bi izango dira inguruan, bata Viñas kalean eta, bestea, Chicharran. Kabiezen, barriz, biribilgunearen azpiraino ailegauko da metroa.

Obrakaz hasteko, 175 metroko aldapa egingo dabe Bullon ibarrean, eta hor hasiko dira zulatzen.